

Návt tun tiilááh Kela sajanmäksim sämikielâlii taaksi

Kela sajanmäksá tiervâsvuotâhuolâttâsân rahtum maadhiid, jis mätki lii rahtum puácuvuodâ, čuávjum tâi šoddâdem tiet. Táválávt mätki sajanmäksoo hâlbimus madhâšemvyevi miel. Tun puávtáh finniđ sajanmäávsu taksimääđhist, jis tun jieħ tuu tiervâsvuotâtile tiet paste kevttiđ almolijđ fiávruid teikâ jis almoliih fiávruh iä lah kevttimnáál.

Sämikuávlust ässee sämikielâlii ulmust lii säämi kielâlaavâ vuáđuld vuoigâdvuotâ kevttiđ meid sämikielâlii Kela-taaksi vyeijee.

1. Tiiláá taaksi numerist 0800 414 610 (Taksi Helsinki Oy) tâi 0800 051 54 (Suomen Lähilogistiikka Oy) tâi njuolgist sämikielâlii vyeijest.

Tun puávtáh finniđ sajanmäávsu tuš tain numerijn tâi sämikielâlii vyeijest tiilájum määđhist. Tiilâmsuáittu lii mávsuttem.

- Tiiláá taaksi majemustáá määđhi tađe oovdeb peeivi tme 14 räi.
- Tiiláá taaksi taan numerist meid talle, ko tun tarbâšah taaksi kivkked.
- Tun puávtáh tiiláđ siämmáá tove puoh tuu tiäđust orroo moonnâm- já maccâmsáátuid puáttee 2 oho várás.
- Tiiláá maccâmsáátu ucemustáá 1 tijme ovdil vyelgimäägi, jis maccâmmääđhi äigi lii tiäđust.

2. Almoot suáitu ohtâvuodâst

- tuu noomâ já persovntubdâlduv
- čujottâs, kost auto viäžžá tuu
- määđhi čuosâttuv (om. pyecceeviäsu)
- tijmeäägi, kuás tun koolgah leđe tipšo-ohtâduvâst
- puátâ-uv tuu fáárun išeniävuid teikâ läidejeijee
- puhelinnummeer, mast tuu juksá.



3. Tun finniih tiäđu auto arvâlum puáttimääigist.

Tun finniih haaliddijn meid tekstâviestáin tiäđu, ko vyeijee lii tuhhiittâm tiilám já lii puátimin viežžâđ tuu.

4. Almoot nubástusâin.

Jis tuu tiilám taksimáátkán šaddeh nubástusah, te almoot tain tállân tiilámnumerân. Majemustáá nubástusâin kalga almottiđ 2 tijme ovdil soppum vyelgimääigi.

5. Čääiti vyeijei tuu Kela-koortâ tâi persovntuodâštus.

Tun máávsáh taksimääđhist enâmustáá 25 euro jiešvástádâs.

6. Pivde Tuodâštus mätkisajanmáávsu várás (SV 67)

- Jis tun tarbâšah taaksi tuu tiervâsvuotâtile tiet, te pivde tast tuodâštus tiervâsvuotâhuolâttâsâst (*Todistus matkakorvausta varten, SV 67*).
- Siäilut oovtâ määđhi várás čallum tuodâštus alnees 6 mánuppaje ääigi mätkipeeivi räajist. Kela puáhtá pivdeđ tom maneláá.
- Tooimât Kelan tuodâštus, mii addel kuhesáigásii vuoigâdвуodâ taaksi kiävtun.
- Jis tiervâsvuotâhuolâttâs ovdâsteijee tiiláá maccâmsáátu tuu peeleeest, te tun jieš taarbâš sierâ tuodâštus.
- Tun puávtáh pivdeđ meid tiervâsvuodâhuolâttâs ovdâsteijee väridiđ tunjin sâmikielâlii taaksi.

